

# L'ESSOR FASO KUMAKAN

SIBIRIDON, MARISI KALO TILE 16, SAN 1985

## "USA" Peresidan dankan ka tile kelen taama Mali kònò



Jako ni balodèsèko gèlèyali kósón dinyè kònò, sanko Afiriki jamana caman kònò, olu kèra sababuw ye ka "ONU" bila kunbén dò labènni na, zenèwu, Suwisi jamana kònò, min sen fè, a kow bë taa lajè setigi ani faantan jamaw ka ciden yamruyalenw fè, nògoya siratigè kan.

O kunbén de hukumu kònò, Ameriki jamana Peresidan dankan, Zorizi BUSHI ye Afiriki jamana saba yaala, walasa k'olu ka tòorò hakè jate minè, n'olu ye Sudan, Nizéri ani Mali ye.

Nin jamana saba kònò, a yèrè y'a nyèda hadamadenw ani

baganw ni kungow kan, ka jakóngò ti-nyèlinò lajè, ka dèmékow jateminè, minnu bëna lase Afiriki ma, ka bò "USA" jamana kònò.

Ameriki Peresidan dankan y'a jira k'a ye fèn minnu y'a nyèla, Afiriki jamana saba ninnu kònò, k'a b'olu lase zenèwu tònsigilaw ma, ka tila ka "USA" jamana n'a Peresidan jèyòrò fèsfèfè, dèmèko si-ra kan, walasa gèlèya in bë se ka se-gin kò teliya la co-go min na.


O siratigè la, dèmè minnu kèra fòlò, Mali ye. olu kèra sumankisè tòni 60.000 ani nafolo ye, min bëna don

baaraw musakaw da fè.

Zorizi BUSHI min bisimilala Peresidan Musa TARAWELLE fè o y'a jira ko fèerè minnu ka kan ka tigè gòlèya in na, olu ye suguya fila de ye, i n'a fò sènèkow ni jikow sankòròtali. A y'olu dantigè k'a jira ko Afiriki ni dèmè ka kan, bawo, k'a sigilen bë dinyè yécrò gèlènba dò de kònò, n'o ye saheli kungo ye.

A ka taama in kèra san 1985, marisi kalo tile 9 n'a tile 10 donw, minnu kònò, ani jamana nyémogòw ye nyogon ye "USA" ni Mali cèkow latè-mècogow kan, bëe ka nafasòrò sira huku-mu kònò.

## Kònsitantèn CERINENKO ye dinyè to



"URSS" Pariti komini nyèfè tòn Sekerèti zeneralni ni Soviyeti supèrèmu kuntigi kònsitantèn CERINENKO fatura karidòn, marisi kalo tile 10, san 1985 fitirimè waati.

Irisilakaw ni dinyè hèrè kanubagaw bëe lajèlen nison goyalen n'u dusukun tòoròlen ye nin kibaruya jugu in mèn waati min na, a matò to u si kelen na.

Saya ye kònsitantèn CERINENKO dun k'a si to san 73 la. Saya ye kònsitantèn CERINENKO dun, nk'a m'a tògò dun; bawo kominisimu ka nyintaw kewalebaga nyuman tun don; dinyè hèrè lafasabaga nyu-

man tun don; hadaman den sèbèw bë mèen k'a sòrò u ma nyinè min kò.

Mali foroba Pariti "UDPM" Sekerèti zeneralni ni jamana kuntigi zeneralni Musa TARAWELLE ye sangafosèbèn dò ci "URSS" fangaso la, ka Maliden bëe lajèlen ka dugaw lase fure n'a kómogòw ma.

Kònsitantèn CERINENKO nonabila kèra Mikayili GORIBACEW ye, fure janaja kow nyènabòli jèkulu nyémogoya tun bë min bolo, n'o kèra arabadon, marisi kalo tile 13, san 1985.

Mikayili GORIBACEW ye Pariti nyèfè tòn kow latèmè jèkulu mógo ye, min si ye san 54 ye.



# Dinyè musow ka donba gintanw Mali kònò



# musoya tè mònè ye...



Madamu Mariam TARAWELE, jamana kuntigi furumuso ani Mali musow ka kelenya tònba "UNFM" denban yuman.

Hakililajigin si ratigè la, marisi kalo tile 8 kèli dinyè musow ka donba ye, o sababu bòra Ameriki jamana dugudò, n'o ye Shikago ye, o bagidilan izini baarakémusow ka se sòròli de la u jo sariyaw nò fè don kofòlen in na.

Kabini o don, marisi kalo tile 8 kèra dinyè musow ka donba ye, min gintonw bè kè dinyè seleke naani bée la.

Nyinan sa... 1985, marisi kalo tile 8, bilala hakilijakabò, miiri, taasi, sumanko yèrèlabò, teriya, jèkabaara, bèn, ani lafiya hukumu kònò.

Bamako disiriki musow ye lajèba dò kè seko ni dònko soba la badalabugu, donba in kadara kònò, min barokèbaga tun ye Umaru KULUBALI ye, n'o ye Mali kelenya Pariti kow latèmè jèkulu mògò ye ani fangaso minisiri, min nyèsinnen don Faso izinikow ma. Minisiri Umaru KULUBALI ka baro nafama in tun bè dinyè sòròko gèlèyaw kan, minnu tè ka tò to setigi jamanaw la sango jamana hòronyalen kuraw.

O lajèba in tun nyémogoya bè zenerali Musa TARAWELE furumuso, Mariamu TARAWELE bolo, aie min ye Mali musow ka kelenya jèkuluba tònba ye.

Jama ye nyögón són hakili la, ka nyögón hakilinataw dòn, k'u falen nyögón na, o kò k'u nyé daamu bò jaw kan, minnu bè musow ka kewale nyumanw kan, ani jöyòrô min b'u la u ka jamanaw kònò.

Donba in kèra sababu ye Mali musow ka kelenya tòn "UNFM" kuntigi Madamu SO Orokiyatù SO bolo. a ka kuma ta ka dò fò an balima-musow ye ja n'a masibaw kan, minnu kèlen don ka musow ka baara kè sanjikò-ròwòsi ye, minnu kèlen don ka hèrè lafù dinyè kònò, yiriwali ntuloma y'o min ye.

nkalon t'o kòròfò la, k'a ma sòrò bòrè lankolon tè jò, wa ko nyènàma foyi tè se ka kè bénbaliva ni fitinè kònò.

Musoya tè mònè ye, nka musolankolon de bë mònè don muso tòw la. k'a daminé Afiriki la fo ka se dinyè seleke naani bée la. musofarinw y'u jenyòrô fin u Faso kònòkow bilali la sira nyuman kan; musokisew ye mugni kisèta k'u kògò da cèw ta la, k'u furucèw n'u denw kisi, k'u ka jamanaw bò bolo la.

An file yòrô minna, Mali musow jöyòrô bë ka lawèrè ka t'a fè, bawo u y'a

jira Pariti ni gofèrènàma la ko cèw bë se ka o ko la, u yèrè b'u seko damajira kè o ko la, fo n'a kèra baara ye min bò se ka u bali bange la. O dun fana bë faamuya, barisa n'i y'a mèn ko cè, i bòra muso dò de la.

Cèw ni musow ye nyögón dafalanw de ye.

Musoya tè mògò tìnè; o misali dòw filè: an balima kungo kònò musow ye dò fara u ka cèsiri kan ka ja n'a masibaw kèle cèw kérè fè; muso ye minisiri ye bi Mali kònò; Mali foroba Pariti "UDPM" kow latèmè jèkulu mògò dò ye



Madamu SO Orokiyatù SO, Mali musow ka foroba tònba "UNFM" peresidanti.

muso ye; musow ye dògòtòrò, lakòlikaramogò, kiritigèla ani foroba ciyakèda caman konyèw nyènabòbagaw ye sisan.

O tumu mun torakò, jamana sòrò n'a hadamadenya walew sabatili la, ni musow ma dannaya minènfa, dannaya min dara u kan u niyòrò lase-li la Faso ka nyètaa sinsini baaraw la.

"UNFM" sewalen don a ni Afiriki ni dinyè musow cèsira nyumanw banbali la ka t'a fè.

"UNFM" bë dugawu kèle hérè ni bèn ni lafiya basigiliko la Palèsini ni Saha-ra tilebinyanfan ni Cadi maraw kònò.

Mali musow ka jèkuluba bë Afiriki woroduguyanfah siyawolomlaw lagosi u ka kewale juguw kòson Namibidenw fan fè. U bë yòrô in fasokumabò jèkulub "ANC" ni "SWAPO" lafasa u ka hérè nyinini kèle la, u b'u kò kòrò fo u ka se sòrò don min na, k'u ka hòronya sira jèya.

"UNFM" musow, minnu ye an baw n'an kòròw n'an dògòw n'an furumusow ye, u y'u kanbò setigi jamanaw ma, u ka sabali, lahawuta nafolo min, n'u b'a don kèle kèle walew da fè, u k'o labila ja ni bana juguw ni kunfinya ni kóngò ni faantanya kèle kèle walew kama.



## "PNUD" bèna Mali dèmè jako baaraw nògòyali la

Juma, san 1985 marisi kalo tile földón, bolonòw bilala dèmèbèn dò la, mali ni "PNUD" cè, min b'a jira k'o jèkuluba nafolo CFA miliyon 71 ni kò di Mali ma, jakow latèmècogo nyuman kòson.

A jirala ko nafolo in dikun ye walew dakònyèli de ye, minnu ka kan ka la-

tèmè u cogo la, wala-sa dèmè dilenw bë lase joona, u seydòròw la, jamana fan bée kònò.

"PNUD" ye jamanaw yèrèmahoronyalenw ka tònba, "ONU" ka dèmèjèkuluba sigilen de ye, min bë nafolo lase jamanaw ma, dèmè sira kan, yiriwalikow ni nyetaakow

hukumu kònò.

Mògò minnu y'u bolonòw bila dèmèbèn in na, olu kèra Maki Kureyisi Agibu TALI ye ani "PNUD" lasigiden.

A dèmè nyögón lasserai Afiriki jamana wèrèw ma, minnu tòoròlen bë ja n'a masibaw fè, ka se hakèla, min tè nyè kòkandèmè kò.